

醫宗必讀

六



中風  
類中風  
古法

傷風

內閣文庫			
函	冊	號	類
三	一	四七三	漢書
七	〇	三	

漢書門			
冊	架	函	號
一	一	一	一
〇	一	八	三

內閣文庫	
番號	漢 1473
冊數	10 ( 6 )
函號	301 42



醫宗必讀卷之六

靈樞經中粹上材父著

門人朱天定道力父叅

姪孫李廷芳蘅伯父訂

真中風

靈樞經曰。虛邪偏客于身半。其人深者。內居營

衛。營衛衰。則真氣去。邪氣獨留。發為偏枯。此言

深而中。其邪氣淺者。脉偏痛。此言邪氣淺而中

藏者也。又曰。辨之為病也。身無痛者。四肢不收。志亂不

甚其言微知可治甚則不能言不可治也。此亦言中

藏之證其名曰瘵身無痛者也。以志不亂微能言者可治若志亂而不能言則不可治矣。

偏枯身偏不用而痛言不變志不亂病在分腠

之間巨針取之益其不足損其有餘乃可復也。

此亦言中府之證肢體必痛且能言而神氣清明淺而可復也。

愚按中風者言為風邪所中其受病重非若傷

風之輕也風是四時八方之氣常以冬至之日

自坎而起候其八方之風從其鄉來者主長養

萬物若不從其鄉來者名為虛賊風害萬物體

虛者則中之當時未必即發重感風邪病遂發

焉藏府有俞俞皆在背中風多從俞入者也而

有中府中藏中血脉之分中府者其病在表多

着四肢故肢節廢脉浮惡風拘急不仁外有六

經之形證。太陽經證頭疼身熱脊強陽明經證

痛寒熱嘔口苦太陰經證腹滿自利咽乾少陰經證舌乾口燥厥陰經證煩滿囊縮以小

續命湯及疎風湯汗之中藏者其病在裏多滯

九竅故唇緩二便閉。脾不能言心耳聾腎鼻塞

肺目昏肝以三化湯及麻仁丸下之中血脉者

病在半表半裏外無六經之證內無二便之閉。但見口眼喎斜半身作痛不可過汗恐虛其衛。不可大下恐損其營。惟當養血順氣以大秦艽湯。羌活愈風湯和之。中府者多兼中藏。如左關脉浮弦而目青左脇痛筋脉拘急日瞶頭目眩。手足不收坐踞不得。此中膽兼中肝也。用犀角散。左寸脉浮洪而赤汗多惡風心神顛倒語言蹇澁舌強口乾。忪悸恍惚。此中胞絡兼中心也。加味牛黃散。右關脉浮緩或浮大面黃汗多惡風口喎語澁身重怠惰嗜臥肌膚不仁皮肉瞶動腹脹不食。此中胃兼中脾也。防風散。右寸脉浮濇而短鼻流清涕面白多喘胸中冒悶短氣自汗聲嘶四肢痿弱。此中大腸兼中肺也。五味子湯。左尺脉浮滑而目鰲黑腰脊痛引小腹不能俛仰。兩耳虛鳴骨節疼痛。是痿善恐。此中膀胱兼中腎也。劉活散。此皆言真中風也。而有氣血之分焉。氣虛者右手足不仁。用六君子加鉤藤薑汁。血虛者左手足不仁。四物湯加鉤藤竹

按理中湯力  
緩不如參附  
四逆之峻補

瀝薑汁。氣血俱虛者。左右手皆不仁。八珍湯加

鈎藤竹瀝薑汁。凡中風昏倒。先須順氣。然後

治風。用竹瀝薑汁調蘇合香丸。如口噤。扶開灌

之。如扶不開。急用牙皂生半夏細辛為細末。吹

入鼻內。有嚏可治。無嚏則死。最要分別閉與脫。

二證明白。如牙關緊閉。兩手握固。即是閉證。用

蘇合香丸。或三生飲之類。開之。若口開心絕。手

撒。脾絕。眼合。肝絕。遺尿。腎絕。聲如鼯。肺絕。即是

脫證。更有吐沫。直視。肉脫。筋骨痛。髮直。搖頭。宜

大劑理中湯灌之。及灸臍下。雖曰不治。亦可救

十中之一。若誤服蘇合香丸。牛黃至寶之類。即

不可救矣。蓋斬關奪門之將。原為閉證。設若施

之。脫證。如人既入井。而又下之。石也。世人蹈此

弊而死者。不可勝數。故特表而出之。惟中藏之

非脫者。宜蘇合香丸。牛黃丸。至寶丹。活命金丹

之類。若中府與中血脈之證。斷不宜用。為內有

麝香入脾。治肉。牛黃入肝。治筋。龍腦入腎。治骨。

恐反引風邪。深入骨髓。如油入麵。莫之能出。

陰陽經絡。周環于身。風氣乘虛。入于

諸陽之經。則腰背反折。攣急如角弓之狀。宜小

四 真中風

續命湯。有汗不惡寒日柔痺。無汗惡寒日剛痺。

**口噤**。手三陽之筋。結入于頷頰。足陽明之筋。上

夾于口。風寒乘虛入其筋則攣。故令牙關急而口噤也。秦艽升麻湯。用甘草二段。每段長一

寸。炭火上塗麻油炙乾。執開牙關。令咬定。約人行十里許。又換甘草一段。然後灌藥。極效。或

以蘇合香丸擦牙。或南星冰片擦之。

**不語**。脾脉絡胃夾咽。連舌本。散舌下。心之別脉。

系舌本。心脾受風。故舌強不語。亦有因腎脉不

上循喉嚨。挾舌本者。喉嚨者。氣之所以上下會

厭者。音聲之戶。舌者。聲之機。唇者。聲之扇。風寒

客于會厭。故卒然無音。若因痰迷心竅。當清心

火。若因濕痰。當清脾。若因風熱。當清肝火。若

因風痰。當導痰涎。若因虛火上炎。當壯水之主。

若因虛寒厥逆。當益火之原。神仙解語丹。滌痰

湯。加味轉舌膏。八味丸。隨證選用。取龜尿少

許。點于舌。神效。置龜于新荷葉上。以猪鬃鼻肉戳之。立出。

肌膚盡痛。諸陽之經。皆起于手足。而

驗  
全試  
世效

循行于身體。風寒客于肌膚。始為痺。復傷陽經。隨其虛處而停滯。與血氣相搏。故風痺而手足不隨。實者脾土太過。當瀉其濕。虛者脾土不足。當補其氣。血枯筋急者。四物湯。木旺風溼者。四物湯加鈎藤。秦芫。防風。痰多者。六君子加秦芫。天麻。竹瀝。薑汁。

**風多者。**桂枝湯。若表虛者。玉屏風散。陽氣虛者。耆附湯。若兼盜汗者。補中益氣。送六味地黃丸。或當歸六黃湯。

**不遂。**譬如樹木。或有一邊。津液不蔭。注而枝葉偏枯。故知偏枯一證。皆由氣血不周。經曰。風氣通于肝。風搏則熱盛。熱盛則水乾。水乾則氣不榮。精乃亡。此風病之所由作也。故曰。治風先治血。血行風自滅。古方有順風勻氣散。虎骨散。虎脛骨酒。外用蠶沙二石。分作三袋。蒸熱。着患處。冷再易。以瘥為度。內用羊脂。入粳米。蔥白。薑椒豉。煮熟。日食一具。十日。止。大效。

**痺。**多屬胃土。而有筋脈之分。經云。足之

陽明。手之太陽筋急。則口目為僻。背急不能卒  
視。此胃土之筋病也。又云。足陽明之脉。挾口環  
唇。此胃土之脉為病也。口目常動。故風生焉。耳  
鼻常靜。故風息焉。先  
燒皂角熏之。以逐外邪。次燒乳香熏之。以順血  
脉。酒煎桂枝。取汁一碗。軟布浸收。左囑搨右。右  
囑搨左。服清陽湯。秦艽升麻湯。或二方合用。外  
感加蔥白。

**小便不利** 中風小便不利。不可以藥利之。自汗  
則津液外亡。小便自少。清熱止汗。小便自行也。

**遺尿** 多屬氣虛。宜參耆湯。少加益智。頻頻啜之。

**多食** 風木盛。則尅脾。脾受尅。求助于食。當瀉肝  
理風。以安脾。脾安則食自如常也。

**痰涎壅盛** 宜用吐法。稀涎散。或橘紅一斤。逆流  
水七碗。煎至二碗。頓服。白湯導之。吐痰之聖藥

也。二陳湯。星香散。加竹瀝薑汁。虛者六君子同  
星香散。脉沉伏無熱者。三生飲加全蝎。一个。養  
正丹。可以墜下痰涎。鎮安元氣。肥人多中氣。  
盛於外。而歉于內也。人肥必氣急。而肺盛。肺金



尅肝木。故痰盛。治法以理氣爲急。

**中府者**多身痛。爲風氣所疎。經脈不和。宜鐵彈丸。虛寒者。十味剉散。

**心**神不足。痰滯于心胞絡。宜至寶丹。或牛黃清心丸。

**寶鑑**云。凡大指次指麻木。或不用者。

三年內有中風之患。宜服愈風湯。天麻丸。薛立齋云。豫防者。常養氣血。節飲食。戒七情。遠幃幙。若服前方。適所以招風取中也。

**中風之脈**。每見沉伏。亦有脈隨氣奔。指下洪

盛者。浮遲者吉。堅大急疾者凶。浮大爲風。

浮遲爲寒。浮數無熱亦爲風。大爲火。

滑爲痰。

三生飲。治卒中昏冒。口眼喎斜。半身不遂。痰

氣上壅。或六脈沉伏。或浮盛者。並宜服之。但

脫絕證見者難治。

南星 生用 一兩 川烏 去皮生 生附子 五錢

木香 二錢 五分

每服五錢。水二盞。薑十片。煎六分服。

小續命湯 通治八風五痺。痿厥等疾。春夏加

石膏。知母。黃芩。秋冬加桂。附芍藥。

麻黃 去節 人參 去蘆 黃芩 去腐

芍藥 炒 甘草 炙 川芎

杏仁 去皮尖炒 防已 官桂 各一兩

防風 一兩五錢 附子 炮去皮臍五錢

每服五錢。水一盞半。生薑五片。煎一盞服。

疎風湯 治表中風邪。半身不遂。語言微澀。

麻黃 去節三兩 杏仁 去皮尖炒 益智仁 各一兩

升麻 各五錢

每服五錢。水煎熱服。

三化湯

厚朴 薑汁炒 大黃 枳實 麩炒

羌活 各三錢

水二碗。急火煎至一碗服。

麻仁丸

厚朴 去皮薑汁炒 芍藥 炒 枳實 麩炒各四兩

大黃 蒸焙八兩 麻仁 別研三兩 杏仁 去皮尖炒三兩  
右爲末。蜜丸。梧子大。每服三錢。溫水下。

大秦芫湯

秦艽 石膏 各一錢 甘草 炙

川芎 當歸 芍藥 炒

羌活 獨活 防風

黃芩 炒 白朮 土炒 白芷

茯苓 生地黃 熟地黃 各五分

細辛 三分

水煎服。天寒加生薑五片。春夏加知母一兩。

羌活愈風湯 治肝腎虛。筋骨弱。語言難。精神

昏憤。或肢體偏枯。多思健忘。

羌活 甘草 炙 防風

黃耆 蜜炙 蔓荊子 川芎

獨活 細辛 枳殼 炒

麻黃 去根 地骨皮 人參

知母 酒炒 甘菊花 去蒂 薄荷葉

白芷 枸杞子 當歸

桂仲炒

秦艽

柴胡

半夏製

厚朴薑汁炒

前胡

熟地黄

各二兩

白茯苓

黃芩

各三兩

生地黄

蒼朮炒

石膏

芍藥各四兩

官桂一兩

每服一兩。水煎服。大寒之後加半夏。人參。柴

胡木。通迎而奪少陽之氣也。穀雨之後加石

膏。黃芩。知母。迎而奪陽明之氣也。季夏加防

已。白朮。茯苓。勝脾土之濕也。夫暑之後加厚

朴。藿香。桂。迎而奪太陰之氣也。霜降之後加

當歸。桂附。勝少陰之氣也。

大麻丸。熱勝則風動。宜靜。是養血也。宜和。是

行營衛。壯筋骨也。非大藥不能治。

附子一兩炮

大麻酒浸三宿晒乾

牛膝酒浸二宿焙乾

萆薢另研

玄參各六兩

杜仲七兩炒去絲

當歸十兩全用

羌活十兩

生地黄十六兩

獨活五兩

右為末。煉蜜丸。桐子大。每服五錢。空心白湯

下服藥後饑則食不饑且止大忌壅塞。

犀角散 治肝中風流注四肢上攻頭面疼痛。

言語謇澁上焦風熱口眼喎邪脚膝軟痛。

犀角 銹

石膏 各二兩

羌活 去蘆

麝羊角 各七錢半 去蘆

甘菊花

獨活 去蘆

黃耆

川芎

白朮 土炒

黃芩

天麻

枳殼 去穰 麩炒

當歸 去蘆

酸棗仁 炒

防風 去蘆

白芷 各五錢

甘草 炙 錢半

每服五錢水一盞生薑五片煎服。

牛黃散 治心藏中風恍惚恐懼悶亂不得睡。

臥語言錯亂。

牛黃 另研

麝香 另研

犀角

羚羊角

龍齒 另研

防風

天麻 煨

獨活

人參

沙參

茯神 去木

川升麻

甘草 炙

白鮮皮

遠志 去木

天竺黃

各二錢半

龍腦 一錢

朱砂 水飛

鐵粉 另研

麥門冬 各五錢

右為細末。研令勻。每服二錢。麥門冬湯下。

防風散 治脾藏中風。手足緩弱。舌強語澁。胸

膈煩悶。志意恍惚。身體沉重。

防風

麻黃 去節

人參

川芎

附子 炮去皮臍

桂心

黃耆 去蘆

赤茯苓 去皮

酸棗仁 炒

白朮 炒

獨活 去蘆

桑白皮 蜜炙

羚羊角

各七錢半 甘草 炙五錢

每服四錢。水一盞。薑五片煎服。

五味子湯 治肺藏中風。多汗惡風。時咳短氣。

晝瘥夜甚。偃臥胸滿。息促鼻兩邊下至口。上

至唇。色白。急灸肺臑百壯。若色黃。其肺已化

為血。不治。

五味子

杏仁 炒去皮

桂心 各五錢

防風

炙甘草

赤芍藥

川芎 各一兩

川椒 二錢五分

每服五錢。水二盞。煎至一盞服。

獨活散 治腎藏中風。腰脊疼痛。脚冷痺弱。頭昏耳聾。語音渾濁。四肢沉重。

獨活 附子 當歸

防風 天麻 桂心各一分

川芎 甘菊花 枳殼

山茱萸 黃耆酒炒 丹參

牛膝酒浸 草薺酒浸 甘草炙

細辛去苗 菖蒲 白朮各五錢

每服四錢。水一盞半。生薑五片。煎服。

四君子湯 治氣虛脈弱。

人參 白朮 茯苓

甘草各等分

水煎服。加陳皮。名異功散。加橘紅。半夏。名六君子湯。

四物湯 滋陰補血。

熟地黃 川芎

當歸各等分 芍藥

水煎服。四物四君子。兩方合用。名八珍湯。更

加黃耆肉桂。名十全大補湯。肉桂芍藥甘草。小建中湯也。黃耆肉桂芍藥甘草。即黃耆建中湯也。半夏橘紅茯苓甘草。即二陳湯也。附子理中湯。治脾胃冷弱。心腹疼痛。嘔吐瀉利。霍亂轉筋。體冷微汗。手足厥冷。心下逆冷。腹中雷鳴。一切虛寒之證。並皆治之。

人參

附子 炮

乾薑 炒

甘草 炒

白朮 各等分

水煎服

蘇合香丸 治傳屍骨蒸。疰忤鬼氣。卒心痛。霍亂吐利。時氣鬼魅。瘴癘疫痢。痧血月閉。痧癰。

丁腫驚癇。中風中氣。痰厥昏迷等證。

白朮

青木香

犀角

香附 炒去毛

朱砂 木飛

訶梨勒皮 煨取

檀香

安息香 酒蒸

沉香

麝香

丁香

蘇合香 各二兩

龍腦

薰陸香 別研

蘇合香 各一兩

右為細末。研藥勻。用安息香膏。并蘇合香油。



煉蜜和劑。丸如彈子大。以蠟固。緝絹當心帶之。一切邪神不敢近。

至寶丹 治中風不語。中惡氣絕。中諸物毒。疫毒。瘴毒。蠱毒。產後血暈。口鼻血出。惡血攻心。煩躁氣喘。吐逆難產。悶亂。死胎不下。並用童便薑汁磨服。又療心肺積熱。嘔吐。邪氣攻心。大腸風秘。神鬼恍惚。頭目昏眩。眠睡不安。唇口乾燥。傷寒譫語。

人參

天竺黃

犀角

朱砂 水飛

雄黃 水飛

玳瑁

琥珀 各一兩

麝香

龍腦 各二錢五分

金箔 半入藥。半為衣。銀箔 各五十片

牛黃

天南星 各五錢 安息香 一兩五錢為末。無灰酒攪澄。飛過去沙土。

約得淨數一兩。火熬成膏。

右為細末。將安息香膏。重湯煮烱。入諸藥中。和搜成劑。丸如龍眼核大。人參湯磨服。

牛黃清心丸 治諸風緩縱不隨。語言蹇澁。怔忡健忘。頭目眩冒。胸中煩鬱。痰涎壅塞。精神



昏憤心氣不足。神志不定。驚恐怕怖。悲憂慘  
感。虛煩少睡。喜怒無時。癩狂昏亂。

白芍藥

麥門冬 去心 黃芩

當歸

防風

白朮 各一兩半

柴胡

桔梗

芎藭

白茯苓

杏仁

去皮尖。雙仁。炒黃。別研。各一兩二錢五分。

神麩

蒲黃 炒

人參 各二兩半

羚羊角

麝香

龍腦 各一兩

肉桂

大豆黃卷

碎炒。各一兩七錢半。

白歛

乾薑

炮各七錢五分 牛黃 一兩二錢

犀角

雄黃

水飛。八錢 乾山藥 七兩

甘草

炒五兩

金箔

一千二百片

大棗

一百枚。蒸研膏。

右除棗杏仁。金箔犀角羚羊角牛黃雄黃腦。麝外。為細末。入餘藥和勻。煉蜜與棗膏為丸。每丸一錢。即于內分金箔四百片為衣。溫水化服。

養正丹

一名來復丹。一名黑錫丹。一名三和丹。

治上盛下虛。裏寒

外熱。及伏暑泄瀉如水。

硝石 一兩同硫黃為末入磁碟內微火炒  
柳條攪火不可太過恐傷藥力再研

極細名 太陰玄精石 水飛 舶上硫黃 透明者  
二氣末 各一兩

五靈脂 水澄去沙晒乾 青皮 去白 陳皮 去白各二兩

右用五靈脂青皮陳皮為末次入玄精石末

及前二氣末拌勻好醋打糊為丸豌豆大每

服三十九空心米飲下

稀涎散 治中風口噤單蛾雙蛾

江子仁 六粒每粒分作兩半 牙皂 三錢切片 明礬 一兩

右先將礬化開却入一味攪勻待礬枯為末

每用三分吹入諸病皆愈痰涎壅盛者燈心

湯下五分在喉者即吐在膈者即下

星香湯 治中風痰盛服熱藥不得者

南星 四錢 木香 五分

水一盞薑十片煎七分服

藿香正氣散 治傷寒頭痛憎寒壯熱或感濕

氣霍亂吐瀉伏暑吐瀉轉筋 加香薷扁豆黃連名藿薷湯

大腹皮 洗 白芷 茯苓

紫蘇 藿香 各一錢 厚朴 薑汁炒

白朮 土炒 陳皮 去白 桔梗

半夏 各七分 甘草 四分

生薑三片。棗一枚。煎服。

清陽湯 治口眼喎斜。頰顙緊急。胃中火盛。汗

不出而小便數。

黃耆 當歸身 升麻 各二錢

葛根 一錢五分 甘草 炙 紅花

黃檗 桂枝 各一錢 蘇木

生甘草 各五分

酒三盞煎一盞服。炒香附熨摩緊急處。即愈。

秦朮升麻湯 治口眼喎斜。四肢拘急。惡風寒。

升麻 葛根 甘草 炙

芍藥 人參 各五錢 秦朮

白芷 防風 桂枝 各三錢

每服一兩。水二盞。蔥白三莖煎一盞服。

順風勻氣散 治中風半身不遂。口眼喎斜。

白朮 二錢 人參 天麻 各五分

沉香 白芷 紫蘇

木瓜

青波

甘草

炙各三分

烏藥

一錢五分

生薑二片水煎服。

虎骨散

治半身不遂。肌肉乾瘦為偏枯。忌用

麻黃發汗。此方潤筋去風。

當歸

二兩

赤芍藥

續斷

白朮

土炒

藁本

虎骨

各一兩

烏蛇肉

五錢

右為末。每服二錢。食後溫酒調下。骨中煩疼。

加生地黃一兩。藏寒自利。加天雄五錢。

虎脛骨酒

石薺

去根

石楠葉

防風

虎脛骨

酥炙

當歸

茵芋葉

杜仲

炒

川牛膝

川芎

狗脊

燎去毛

續斷

巴戟

去心各一兩

右剉。以酒一斗。漬十日。每熱服一碗。

地黃飲子

治舌瘡不能言。是廢不能行。腎虛

弱。其氣厥不至舌下。

熟地黄

巴戟 去心

山茱萸

肉蓯蓉

酒浸焙

石斛

附子 炮

五味子

白茯苓

菖蒲

遠志 去心

官桂

麥門冬

去心各五分

薑五片。棗二枚。薄荷七葉。水二盞。煎八分服。

滌痰湯 治中風痰迷心竅舌強不能言。

南星

薑製二錢

半夏

湯洗七次二錢

枳實

炒

橘紅

一錢二分

石菖蒲

人參

各八分

竹茹

六分

甘草

二分

茯苓

一錢

水二鍾。生薑五片。煎一鍾。食後服。

加味轉舌膏

連翹

遠志 去木

薄荷

柿霜

各一兩

菖蒲

六錢

梔子

炒

防風

桔梗

黃芩

酒炒

玄明粉

甘草

酒大黃

各五錢

犀角

川芎

各三錢

右為末。煉蜜丸。彈子大。硃砂五錢為衣。食後

臨臥薄荷湯送下一丸。

鐵彈丸 治中風昏憤口噤直視瘖瘖口眼喎  
斜涎潮語澁筋攣骨痛癱瘓偏枯或麻木或  
痿癢此藥極止疼痛通經絡活血脈

乳香 另研 沒藥 另研 川烏頭 一兩

一五靈脂 淘淨 麝香 一錢

先將乳香沒藥陰涼處細研次入麝香次入藥  
再研勻滴水和丸如彈子大每服一丸食後  
臨臥薄荷酒磨服

十味劉散 治中風血弱筋骨疼痛舉動艱難

附子 三兩 當歸 黃耆

白芍藥 各二兩 川芎 防風

白朮 各一兩 肉桂 一兩 茯苓

熟地黃 各七錢半

每服四錢水一碗薑八片棗三枚煎六分臨  
臥服



徽商汪華泉忽然昏仆遺尿手撒汗出如珠衆  
皆以絕證既見決無生理余曰手撒脾絕遺尿

腎絕法在不治。惟大進參附。或冀萬一。遂以人參三兩。熟附五錢。煎濃灌下。至晚而汗減。復煎人參貳兩者。木附各五錢。是夜服盡。身體稍稍能動。再以參附膏。加生薑竹瀝。蓋許連進三日。神氣漸爽。嗣後以理中補中等湯調養。二百日而安。

延平太守唐東瀛。多鬱多思。又爲府事勞神。昏冒痰壅。口喎語澁。四肢不隨。時欲悲泣。脉大而軟。此脾肺氣虛。風在經絡。余以補中益氣去黃耆。加秦艽防風天麻半夏十劑。證減。二三日更加竹瀝薑汁。倍用人參。兼與八味丸。兩月乃愈。

燕邸張可真。自遠方歸。忽然中風昏冒。牙關緊閉。先以牙皂末取嚏。次以筋挾開。灌蘇合丸二丸。然後以防風散投之。連進三服。出汗如洗。此邪自外解也。去麻黃獨活羚羊角。加秦艽半夏膽星鈎藤薑汁十劑。痰清神爽。服六君子加竹瀝薑汁鈎藤。六十日而痊。

吳門太史姚現開。中風昏憤。語言不出。面赤時



笑。是心藏中風也。乙亥孟秋。延余診之。六部皆得石脈。余歸謂唐名必曰石者。冬令之脈也。新秋見之。非其時矣。其象先見于非時。當其時。豈能再見耶。果至冬月而歿。

錢台石年近六旬。昏倦不能言。鼻塞二便閉。此心肺二藏中風也。服順氣疎風化痰之劑。已瀕于危矣。比余診之。六脈洪大。按之搏指。乃至虛反有盛候也。宜補中為主。佐以祛風化痰。方可回生。舉家惶懼。兩日不決。余瞋目而呼曰。今日無藥。則斃矣。若服參而病進。余一人獨任其咎。乃以大劑補中。益氣。加秦艽。鈎藤。防風。竹瀝。再劑而神爽。加減調治。五十日始愈。

類中風

火中

虛中

濕中

寒中

類中風者有類乎中風實非中風也或以風為他證或以他證為風投治混淆傷生必矣茲以相類之證八種總彙于此使學者臨證洞然也

**火中**

河間曰癱瘓者非肝木之風亦非外中于

風良由將息失宜心火暴甚熱氣拂鬱心神昏冒筋骨不用卒倒無知因喜怒悲愁恐五志過極皆為熱甚也心火盛者涼膈散肝火動者小柴胡湯水虛火炎者六味地黃丸痰多者貝

母瓜蒌散

涼膈散 見真中風

小柴胡湯 治肝膽有熱。往來寒熱。

柴胡 一錢 六分 黃芩 人參

半夏 各八分 生姜 二片 大棗 二枚

水煎溫服。 甘草 四分

六味地黄丸 治腎水不足。發熱作渴。小便淋

閉。氣壅痰嗽。頭目眩暈。眼花耳聾。咽乾齒動。

腰腿痿軟。便血吐血。盜汗失音。水泛為痰。

熟地黄 八兩 補膏 山茱萸肉 乾山藥 各四兩

牡丹皮 白茯苓 澤瀉 各三兩

右為末。和地黄膏。加煉蜜。丸如桐子大。每服

五錢。空心食前。滾湯下。

貝母瓜蒌散 治痰多。口眼喎斜。手足麻痺。

貝母 去心 瓜蒌 南星 泡

荊芥 防風 羌活

黃檗 炒 黃芩 炒 黃連 炒

白木 土炒 陳皮 去白 半夏 湯泡 七次

薄荷

甘草 炙

威靈仙

天花粉

各五分

水二鍾。薑三片。煎八分。至夜服。

**虛中**

東垣以卒倒昏憤皆屬氣虛。過于勞役耗

損真元。脾胃虛衰。痰生氣壅。宜六君子湯。虛而

下陷者。補中益氣湯。因于房勞者。六味地黄丸。

六君子湯

見真中風

六味地黄丸

見火中

補中益氣湯

黃耆

一錢五分

人參

一錢五分

甘草

五分 炙

橘皮

七分

白朮

一錢 土炒

升麻

三分

柴胡

三分

歸身

一錢

水二盞。煎至一盞。食遠服。

**濕中**

丹溪曰。東南之人。多由濕土生痰。痰生熱。

熱生風。清燥湯主之。內中濕者。脾土本虛。不

能制濕。或食生冷。水濕之物。或厚味醇酒。停于

三焦。注于肌肉。則濕從內中矣。宜滲濕湯。外

中濕者。或山嵐瘴氣。或天雨濕蒸。或遠行涉水。

或久臥濕地。則濕從外中矣。其證頭重體痛。四肢倦怠。腿膝腫痛。身重浮腫。大便泄瀉。小便黃赤。宜除濕。羌活湯。虛者獨活寄生湯。  
清燥湯。治氣虛濕熱。肺金受邪。絕寒水生化之源。小便赤少。大便不實。腰膝痠軟。口乾作渴。體重麻木。頭目眩暈。飲食少思。自汗盜汗。倦怠氣促。

黃耆 一錢 五味子 九粒 黃連

神麴 炒 猪苓 柴胡

甘草 炙各二分 蒼朮 炒 白朮 炒

麥門冬 去心 陳皮 生地黄

澤瀉 各五分 茯苓 人參

當歸 升麻 三分 黃柏 酒炒一分

水二鍾煎一鍾服

添濕湯

蒼朮 泔浸炒 白朮 土炒 茯苓 各一分半

陳皮 澤瀉 猪苓 各一分

香附 撫芎 砂仁

厚朴 去皮各七分 甘草 三分

水二鍾薑三片燈草十尺煎八分服

除濕羌活湯 治風濕相搏一身重痛

蒼朮 泔浸炒 藁本 各二錢 羌活 七分

防風 升麻 柴胡 各五分

水煎濕服

獨活寄生湯 治腎虛卧濕腰背拘急筋牽骨

痛脚膝冷痺緩弱偏枯腫重艱步

獨活 桑寄生 牛膝

杜仲 炒 秦艽 細辛

白芍藥 炒 茯苓 人參

當歸 熟地黄 防風 各等分

甘草 減半

水二鍾生薑三片煎一鍾空心溫服

**寒中** 身體強直口噤不語四肢戰掉卒然眩暈

身無汗者此寒毒所中也宜薑附湯或附子麻

黃湯

薑附湯 治中寒昏倒及陰證傷寒大便自利

乾薑

熟附子

各等分

水煎服

附子麻黃湯

治中寒昏

口眼喎僻

麻黃

白朮

人參

甘草

附子

乾薑

各等分

水煎服

**暑中**

面垢悶倒昏不知人冷汗自出手足微冷

或吐或瀉或喘或滿或渴先以蘇合香丸抉開

灌之或以來復丹研末白湯灌下或研蒜水灌

之或剝蒜肉入鼻中皆取其通竅也 不吐皂

角刮去黑皮燒過存性每皂角灰一兩甘草末

六錢和勻每服一錢新汲水調下待其稍甦辨

證與藥 靜而得之謂之中暑中暑者陰證也

當發散也或納涼于廣廈或過食于生冷頭痛

惡寒肢節疼痛大熱無汗此陰寒所遏陽氣不

得發越輕者香薷飲重者大順散 動而得之

謂之中熱中熱者陽證也熱傷元氣非形體受

病也或行役于長途或務農于赤日頭痛躁熱

肌膚大熱大渴。多汗少氣。蒼朮白虎湯主之。熱

人切勿便與冷水。及臥冷地。宜置日中。或令近火。以熱湯灌之。即愈。

蘇合香丸 見真中風

來復丹 見真中風

香薷飲 本方加入參白朮陳皮茯苓木瓜黃耆各十味香薷飲虛者宜之。

香薷 去根 三錢 厚朴 一錢 五分 白扁豆 微炒 一錢

甘草 五分

水一盞煎一盞沉冷服。此暑月發散之劑。

惟中暑者宜之。若奔走勞役而中熱者用此。

溫散之劑復傷其氣如火益熱矣世多不知。

而混用故特表而出之。

大順散 治納涼太過飲冷太多脾胃受寒霍

亂吐瀉此捨時從證之劑也。

甘草 三兩 乾薑 杏仁 去皮 尖

肉桂 去皮各 四錢

右先將甘草炒熟次入乾薑同炒令薑裂次

入杏仁同炒令杏仁不作聲為度後入桂磨

篩每服二錢井花水調服沸湯點服亦得。



蒼朮白虎湯

知母 一錢

石膏 三錢

甘草 三分

粳米 一錢

蒼朮 一錢

水二杯煎至一杯服。

**氣中**

七情內傷氣逆為病。痰潮昏塞牙關緊急。

極與中風相似。但風中身溫氣中身冷。風中脉浮應人迎氣中脉沉應氣口。以氣藥治風猶可。以風藥治氣則不可。急以蘇合香丸灌之。候醒以八味順氣散加香附。或木香調氣散有痰者。

星香散若其人本虛痰氣上逆關不通宜養

正丹。

蘇合香丸 見真中風

八味順氣散

白朮 炒黃

白茯苓

青皮 去白

白芷

橘紅

烏藥

人參 各五分

炙甘草 二分

水一碗煎七分服。

木香調氣散

白豆蔻 研

丁香

檀香

木香 各二兩

藿香

炙甘草 各八兩

砂仁 四兩

右為細末。每服二錢。沸湯入鹽少許點服。

星香散 見真中風

養正丹 見真中風

**食中** 醉飽過度。或感風寒。或着氣惱。以致填塞

胸中。胃氣不行。忽然厥逆昏迷。口不能言。肢不

能舉。若誤作中風中氣治之。必死。宜煎薑鹽湯

探吐。風寒者藿香正氣散。氣滯者八味順氣散。

吐後別無他證。只以蒼朮白朮陳皮厚朴甘草

之類調之。

藿香正氣散 見真中風

八味順氣散 見氣中

**發塚** 入廟。弔處問喪。飛尸鬼擊。卒厥客忤。

手足逆冷。肌膚粟起。頭面青黑。精神不守。或錯

言妄語。牙閉口噤。昏暈不知人。宜蘇合香丸灌

之。俟少甦。服調氣平胃散。

蘇合香丸 見真神風

調氣平胃散

木香

烏藥

白豆蔻

檀香

砂仁 各一錢

藿香 二錢

蒼朮 一錢

厚朴 薑汁炒

陳皮 各一錢

甘草 五分

水二鍾。生薑二片。煎一鍾。食前服。

醫西

太史楊方壺夫人。忽然暈倒。醫以中風之藥

之不效。迎余診。左關弦急。右關滑大而軟。本

因元氣不足。又用怒。後食停。先以理氣消食之

藥進之。得解。黑不數枚。急以六君子加薑汁服

四劑。而後暈止。更以人參五錢。蒼朮半夏各三

錢。茯苓歸身各二錢。加減調理兩月而愈。此名

亦兼食中。

邑尊張太羨令郎。丙子六月間。未申時暈絕。不

知人。至更餘。不甦。此得之生冷太過也。皂角末

吹鼻中。無嚏。而卒家驚惶。余以皂角灰有性。新汲

醫宗公讀

卷之六

三

類中風

水灌之。更取沉檀焚之。俾香氣滿室。以達其竅。至子後方甦。服十味香薷飲而安。此暑中按虛。給諫晏懷泉夫人。先患胸腹痛。次日卒然暈倒。手足厥逆。時有醫者。以牛黃丸磨就。將服矣。余診之。六脉皆伏。惟氣口稍動。此食滿胸中。陰陽痞隔。升降不通。故脉伏而氣口獨見也。取陳皮砂仁各一兩。薑八錢。鹽三錢。煎湯。以指探吐得宿食五六碗。六脉盡見矣。左關弦大。胸腹痛甚。知爲大怒所傷也。以木香青皮橘紅白朮香附煎成與服。兩劑痛止。更以四君子加木香烏藥調理十餘日方瘥。此食中兼氣中。

章仲與今愛。在閤時昏暈不知人。蘇合香丸灌醒後。狂言妄語。喃喃不休。余診其左脉七至大而無倫。右脉三至微而難見。正所謂兩手如出兩人。此崇憑之脉也。線帶繫定。二大拗指。以艾炷灸兩介甲。至七壯。鬼即哀詞求去。服調氣平胃散加桃奴。數日而崇絕。此名惡中。

醫宗金鑑卷之六

傷風

經曰。虛邪賊風。陽先受之。又曰。內腠閉拒。雖有

大風苛毒。弗之能害。肝虛。則肌肉不充。肺虛。則

于經。譬諸盜賊。若重關高壘。則不能入。少有疎

漏而後犯之。故曰。虛邪賊風。又曰。內腠閉拒。弗

之能害。風者。天之陽氣。其乘于人。則傷衛。衛者。陽也。故曰。陽先受之。

愚按風為陽邪。善行數變。其傷人也。必從俞人。

俞皆在背。故背常固密。風弗能于已。受風者常

曝其背。使之透熱。則潛消嘿散。經文所謂乘虛

來犯固矣。若其人素有痰熱壅遏于太陰陽明

之經。內有窠囊。則風邪易于外束。若爲之招引者。然所謂風乘火勢。火借風威。互相鼓煽也。治實之法。秋冬與之辛溫。春夏與之辛涼。解其肌表。從汗而散。治虛之法。固其衛氣。兼解風邪。若專與發散。或汗多亡陽。或屢痊屢發。皆治之過也。治風火之法。辛涼外發。甘苦內和。勿與苦寒。恐正不得申。邪不得解耳。

神木散 治傷風頭痛。鼻塞聲重。

蒼朮 藁木 白芷

細辛 羌活 川芎

甘草 炙各陸分

水鍾半。薑三片。蔥白三莖。煎八分。熱服。

川芎茶調散 治傷風頭目昏痛。鼻塞聲重。

薄荷葉 四兩 川芎 二兩 羌活

甘草 一兩 荆芥 二兩 白芷 一兩

防風 七錢 細辛 五錢

右爲末。每服二錢。茶調下。

參蘇飲 治傷風發熱。頭痛咳嗽。涕唾稠粘。

人參

蘇葉

乾葛

半夏製

前胡

桔梗

枳殼

陳皮

茯苓

甘草各八分

木香磨一分

水鍾半薑五片棗一枚煎八分服。

消風散 治四時感冒發熱惡寒頭痛聲重。

蒼朮

麻黃

荆芥

白芷

陳皮各一錢

甘草五分

水鍾半薑二片蔥白一莖煎八分服。

人參敗毒散

治頭痛發熱惡寒鼻塞聲重。

人參

羌活

桔梗去蘆

柴胡

前胡

獨活

枳殼炒

川芎

茯苓

甘草各一錢

水鍾半薑二片煎服。

柴胡升麻湯

柴胡

前胡

升麻

桑白皮

赤芍藥

乾葛

醫宗金鑑卷之六

黃芩炒

石膏

荆芥各一錢

水一鍾。薑三片。淡豆豉二十粒。煎一鍾服。

虛癆

經曰。陰虛生內熱。陰者。水之屬也。腎水不足。則

之癆也。又曰。勞則喘。且汗出。內外皆越。故氣耗矣。

又曰。有所勞倦。形氣衰少。穀氣不盛。上焦不行。

下脘不通。而胃氣熱。熱氣薰胸中。故內熱。勞字從力

從火。勞力。則二火炎于高巖。氣急而喘。內越也。

氣蒸而汗。外越也。內外皆越。故氣耗矣。勞則傷脾。脾主四肢。故困倦無氣以動。脾主肌肉。故

形氣衰少。脾主消穀。脾虛不運。故穀氣不盛。脾者。肺之母也。肺處上焦。主氣以布者也。土虛不能生金。則肺薄而濁氣不能達于下脘。地氣

不升。天氣不降。清氣陷下。濁氣逆上。故內熱。此言氣虛之癆也。

醫宗金鑑

卷之六

三

虛癆



愚按內經之言虛癆。惟是氣血兩端。至巢氏病源。始分五藏之勞。七情之傷。甚而分氣血筋骨肌精之六極。又分腦髓玉房胞絡骨血筋脉肝心脾肺腎膀胱膽胃三焦大小腸肉膚皮氣之二十三蒸。本事方更分傳屍鬼疰。至于九十九種。其鑿空附合。重出復見。固無論矣。使學者惑于多岐。用方錯雜。伊誰之咎乎。蓋以內經爲式。第於脾腎分主氣血。約而該確。而可守也。夫人之虛。不屬於氣。即屬於血。五藏六府。莫能外焉。而獨舉脾腎者。水爲萬物之元。土爲萬物之母。二藏安和。一身皆治。百疾不生。夫脾具土德。脾安則土爲金母。金實水源。且土不凌水。水安其位。故脾安則腎愈安也。腎兼水火。腎安則水不挾肝。上泛而凌土。濕火能益土。運行而化精微。故腎安則脾愈安也。孫思邈云。補脾不如補腎。許學士云。補腎不如補脾。兩先生深知二藏爲生人之根本。又知二藏有相贊之功能。故其說似背。其實同也。救腎者必本於陰血。血主濡。

之血屬陰。主下降。虛則上升。當斂而抑。六味丸是也。救脾者必本於陽氣。氣主煦之。氣為陽。主上升。虛則下陷。當升而舉。補中益氣湯是也。近世治癆專以四物湯加黃柏知母。不知四物皆陰行。秋冬之氣非所以生萬物者也。且血藥常滯。非痰多食少者所宜。血藥常潤。久行必致滑腸。黃柏知母其性苦寒。能瀉實火。名曰滋陰。其實燥而損血。名曰降火。其實苦先入心。久而增氣。反能助火。至其收胃。所不待言。丹溪有言。實火可瀉。虛火可補。癆證之火。虛乎實乎。瀉之可乎。矯其偏者。輒以桂附為家常茶飯。此惟火衰者宜之。若血氣燥熱之人。能無助火為害哉。大抵虛癆之證。疑難不少。如補脾保肺法。當兼行。然脾喜溫燥。肺喜清潤。保肺則礙脾。補脾則礙肺。惟燥熱而甚能食而不瀉者。潤肺當急。而補脾之藥亦不可缺也。倘虛羸而甚。食少瀉多。雖喘嗽不寧。但以補脾為急。而清潤之品宜戒矣。脾有生肺之能。肺無扶脾之力。故補脾之藥尤

醫○書○卷○之○一  
要○于○保○肺○也○嘗○見○癆○證○之○多○多○死○于○泄○瀉○泄○瀉○  
之○因○多○因○于○清○潤○司○命○者○能○不○為○之○兢兢○耶○又  
如○補○腎○理○脾○法○當○兼○行○然○方○欲○以○甘○寒○補○腎○其  
人○減○食○又○恐○不○利○于○脾○方○欲○以○辛○溫○快○脾○其○人  
陰○傷○又○恐○愈○耗○其○水○兩○者○並○衡○而○較○重○脾○者○以  
脾○土○上○交○于○心○下○交○于○腎○故○也○若○腎○大○虛○而○勢  
困○篤○者○又○不○可○拘○要○知○滋○腎○之○中○佐○以○砂○仁○沉  
香○壯○脾○之○中○參○以○五○味○肉○桂○隨○時○活○法○可○耳○又  
如○無○陽○則○陰○無○以○生○無○陰○則○陽○無○以○化○宜○不○可  
偏○也○然○東○垣○曰○甘○溫○能○除○大○熱○又○曰○血○脫○補○氣  
又○曰○獨○陰○不○長○春○夏○之○溫○可○以○發○育○秋○冬○之○寒  
不○能○生○長○虛○者○必○補○以○人○參○之○甘○溫○陽○生○陰○長  
之○理○也○且○虛○癆○證○受○補○者○可○治○不○受○補○者○不○治  
故○葛○可○久○治○癆○神○良○素○著○所○垂○十○方○用○參○者○七  
丹○溪○專○主○滋○陰○所○述○治○癆○方○案○用○參○者○亦○十○之  
七○不○用○參○者○非○其○新○傷○必○其○輕○淺○者○耳○自○好○古  
肺○熱○傷○肺○節○齋○服○參○必○死○之○說○印○定○後○人○眼○目  
甘○用○苦○寒○直○至○上○嘔○下○泄○猶○不○悔○悟○良○可○悲○已

幸李瀕河汪石山詳爲之辨。而宿習難返。貽禍未已。不知肺經自有熱者。肺脉按之而實。與參誠不相宜。若火來乘金者。肺脉按之而虛。金氣大傷。非參不保。前哲有言曰。土旺而金生。勿拘拘于保肺。水壯而火熄。毋汲汲于清心。可謂洞達內經之旨。深窺根本之治者也。

**傳屍勞瘵**

虛癆熱毒積久。則生惡蟲。食人臟腑。其證蒸熱咳嗽。胸悶背痛。兩目不明。四肢無力。腰膝酸疼。臥而不寐。或面色脫白。或兩頰時紅。

常懷忿怒。夢與鬼交。同氣連枝。多遭傳染。甚而滅門。大可畏也。法當補虛以復其元。殺蟲以絕其根。能殺其蟲。雖病者不生。亦可絕其傳染耳。凡近視此病者。不宜饑餓。虛者須服補藥。宜佩安息香及麝香。則蟲鬼不敢侵也。

**血**

上盛下虛。血隨氣上。法當順氣。氣降則血

歸經矣。

蘇子降氣湯

脉來微軟。精神困倦。是氣虛不

能攝血。

人參飲子。或獨參湯。

脉洪有力。精神不倦。胸中滿

痛。或吐血塊。用生地黃赤芍藥當歸丹皮丹參

桃仁。大黃之屬。從大便導之。血以上出為逆。下出為順。苟非大虛泄瀉者。皆當行之。以轉逆為順。此釜底抽薪之妙法。若吐血已多。困倦虛乏者。不可行也。吐多而急欲止之。生地黄當歸丹。皮赤芍藥煎湯。入藕汁童便各一鍾。血餘灰二錢。墨灰五分。調勻熱服。怒氣傷肝者。丹皮芍藥木香之屬。勞心者。蓮子糯米柏仁遠志棗仁茯神之屬。酒傷者。乾葛茅花側柏荆芥穗之屬。飲食傷胃者。白朮陳皮甘草穀蘖砂仁之屬。吐血

色黯脉遲而寒者。勞力者。蘇子降氣湯加阿膠。或以猪肺

煮熟。蘸白芨末食之。

**咳血** 涎唾中有少血散漫者。此腎虛火炎之

血也。六味地黃湯加童便阿膠。血如紅縷。在痰中嗽出者。此

肺血也。二冬二母白芨阿膠。甘草苡仁紫苑百合桔梗。肺傷者。其人勞

倦。人參救肺散。肺痿吐膿血。薏苡仁煮散。日服半升。凡血證既

久。古人多以胃藥收功。四君子湯。

**咯血** 不嗽而血從咯出。此腎血也。地黃牛膝杜仲皮茯苓當

歸青黛玄參童便。

有聲無痰曰欬。肺因火爍也。新定清寧膏有痰

有聲曰嗽。脾受濕侵也。二陳湯脾虛倦怠者。六君子湯

**癆** 虛癆不服參耆為不受補者死。癆證久瀉者死。癆嗽聲

啞者死。一邊不能睡者死。癆證久瀉者死。

大肉去者死。吐血淺紅色似肉似肺謂之

欬白血必死。

**脈法** 寸口脈浮而遲。浮則為虛。遲則為癆。左

手脈細。右手浮大勁急為正虛邪盛必死。久

病沉細而數者死。中空外急此名革脈。婦人

半產漏下。女人亡血失精。脈結者。三年內必

死。脈代者。三月內必死。

**醫案**

邑宰何金陽。福建邵武府人各望海今郎虛損已瀕于危。

見余拙刻微論藥解。脈象諸書。遣使聘余。手書

云。嘗聞一命之士存心受物。於人必有所濟。况

老先生。天地萬物為體。分醫國之餘。著述嘉刻。

皆本性命而立言。望海神交深知雲間有李先

生。東垣再來也。緣小兒天根。久耽書癖。昕夕窮

神而不自節。氣暴陰傷。形瘁于勞。精搖于夢。汗出乎寐。而柴柵其中。餌藥歷歲。毫末無功。不遠數千里。專迓台車。俯衿望海。杖柱單傳。年幾半百。僅舉獨子。顧其羸頓。焦腑俱焚。伏讀老先生廣嗣論中。一旦至我而斬之語。念之大懼。不自知其涕泗之沾襟也。以是乞刀圭如仙掌金莖。一洒甘露。起骨而肉之。仰惟仁人君子。必不遐遺。則小兒自此有生之年。皆老先生引手之賜也。金石可銷。此心不晦。再造之天。敢忘銜結耶。余感其言。遂往。比至而病益進矣。簡其所服。以四物知柏為主。芩連二冬爲加減。診其脉大而數。按之極軟。余曰。中氣大寒。反爲藥苦矣。乃以歸脾湯入肉桂一錢。人參五錢。當晚得熟寐。居十日而汗止。精藏。更以還少丹兼進。補中益氣間服。一月而瘥。

少宗伯顧隣初。丙辰年。患發熱困倦。目昏耳鳴。脚軟不能行。大便燥結。手足麻痺。腰膀疼痛。余診之曰。腎虛不能上交。心虛不能下濟。且尺脉

遲軟力勉其用八味丸十全大補湯。加員眼三十枚五十餘日。精神漸旺。肌肉漸充。致書鳴感。一日多飲虎骨酒。大便仍結。醫者皆云。八味丸非久服之藥。十全大補宜去肉桂。反用知母玄參佐之。服之數月。遂致不起。

學憲黃貞父。下血甚多。面色痿黃。發熱倦怠。盜汗遺精。余診之曰。脾虛不能統血。腎虛不能閉藏。法當以補中益氣五貼併一而進之。十日汗止。二十日血止。再以六味地黃丸間服。一月而安。

南都許輪所孫女。吐血痰嗽。六月診之。兩尺如爛綿。兩寸大而數。余曰。金以火爲仇。肺不浮潛。反得洪大。賊脉見矣。秋令可憂。八月初五復診之。肺之洪者。變爲細數。腎之軟者。變爲疾勁。余曰。歲在戊午。少陰司天。兩尺不應。今尺當不應。而反大。寸當浮大。而反沉細。尺寸反者。歿。肺至懸絕。十二日歿。計其期。當歿于十六日。然能食者。過期。况十六十七二日皆金。未遽絕也。十八日



交寒露。又值火日。經曰。手太陰氣絕。丙日篤。丁日歿。言火日也。寅時乃氣血注肺之時。不能注則絕。必歿于十八日寅時矣。輪所聞之。潛然淚下。以其能食。猶不肯信。果至十八日未曉。終而汪望洋之孫。年方舞象。發熱咳嗽。羸弱頭眩。二冬二母。知栢苓連。不啻百劑。病勢轉增。余診其脉。右脉虛軟。乃知脾肺氣虛。火不生土之候也。遂用補中益氣。加五味子。苡仁。薔桂。至三錢。十劑而減。兩月乃安。春初又發。令其服補中丸。一年。諸證永不再作矣。

吳門張欽光。發熱乾欬。呼吸喘急。始用蘇子降氣。不應。乃服八味丸。喘益急。輕舟兼夜迎余。余視其兩頰俱赤。六脉數大。此肺肝蘊熱也。以逍遙散。用牡丹皮一兩。苡仁五錢。蘭葉三錢。連進兩劑。喘吸頓止。以地黃丸料。用麥冬。五味煎膏。及龜膠爲丸。至十斤而康。

給諫章魯齋。在吾邑作冷時。令郎凌九吐血發熱。遺精盜汗。形肉衰削。先有醫士戒之曰。勿服

人參。若誤服之。無藥可救矣。兩月弗效。召余診。曰。此脾肺氣虛之候。非大劑參耆不可。魯齋駭曰。前有醫者。戒之甚嚴。而兄用之甚多。何相懸也。余曰。此醫能任決效否。曰不能也。余曰。請易參五兩。毋掣其肘。期于三月。可以報勛。陳論甚力。魯齋信而從之。遂用六君子。間用補中益氣。及七味丸療之。日輕一日。果如所約。

尚寶卿須日華。林下多鬱。且有暴怒。吐血甚多。倦怠異常。余以六君子。納參一兩。芫薑一錢。木香

八分。四日而血止。後因怒。氣血復大作。余曰。先與平肝。繼當大補。然夏得秋脉。所謂早見非時之脉。當其時不能再見矣。果如期而歿。

大宗伯董玄宰。乙卯春。有少妾。吐血蒸嗽。先用清火。繼用補中。俱不見效。迎余治之。余曰。兩尺沉實。少腹按之必痛。詢之果然。此怒後畜血。經年弗效。乃爲蒸熱。熱甚而吐血。陰傷之甚也。乃與四物湯。加鬱金。桃仁。穿山甲。大黃少許。下黑血升餘。少腹痛仍在。更以前藥。加大黃三錢煎。

服。又下黑血塊。及如桃膠。蜆肉者三四升。腹痛乃止。虛倦異常。與獨參湯飲之。三日而熱減六七。服十全大補湯。百餘日而康復如常。

刑部王政唐名必。勞心太過。因食海鮮。吐血有痰。喉間如鯁。甘肅煩熱。喜其六脉不數。惟左寸濇而細。右關大而軟。思慮傷心脾也。以歸脾湯大料。加丹參。丹皮。麥門冬。生地黃。二十餘劑而證減六七。兼服六味丸。三月。遂不復發。

吳門周復庵。年及五旬。荒于酒色。忽然頭痛發熱。醫以羌活湯散之。汗出不止。昏暈不甦。余與之灸關元。十壯而醒。四君子加薑桂。日服三劑。至三日少康。分析家產。勞而且怒。復發厥。余用好參一兩。熟附二錢。煨薑十片。煎服。稍醒。但一轉側即厥。一日之間。計厥七次。服參三兩。至明日。以羊肉羹糯米粥與之。尚厥二三次。至五日而厥定。向余泣曰。已蒙再生。不知有全愈之日否。余曰。脉有根蒂。但元氣虛極。非三載調攝。不能康也。幸其恪信余言。遵守用藥。兩月之間。服

參四兩。三年之內。進劑六百貼。丸藥七十餘斤。方得步履如初。親友衆多。議論雜出。若非病人。任之專。或久而見疑。服藥少。怠未有獲生也。侍御馮五玉。令愛發熱咳嗽。已及半載。十月間。吐鮮血甚多。一日之內。不過食粥一盞。大肉消陷。大便溏泄。沉困着床。脈來七至。余曰。法在不救。人所共知。若能惟余是聽。不爲旁撓。可救十中之一。每貼用人參五錢。桂附各一錢。蒼朮三錢。歸芍二錢。陳皮一錢。日投三貼。約進七十劑。

及壯水九三斤。而後起于床。又三月而飲食如舊。若泥常法而棄之。幽潛沉寃矣。

新定拯陰理癆湯。治陰虛火動。皮寒骨熱。食

少痰多。咳嗽短氣。倦怠焦煩。內經陰虛內熱之方

生地黄 二錢。忌銅鐵器。薑汁酒炒透。 當歸身 一錢。酒洗。

麥門冬 一錢。去心。 白芍藥 七分。酒炒。 北五味 三分。

人參 六分。 甘草 四分。炙。 蓮子 三錢。不去衣。

苡仁 三錢。 橘紅 一錢。 牡丹皮 一錢。

水二鍾。棗一枚。煎一鍾。分二次徐徐呷之。肺

脉重按有力者去人參。有血加阿膠。童便熱盛。加地骨皮。泄瀉減歸地。加山藥。茯苓。倦甚用參三錢。欬者燥痰也。加貝母。桑皮。嗽者濕痰也。加半夏。茯苓。不寐加棗仁。汗多亦用。此余自立之方。用治陰虛火熾。譬如溽暑。伊鬱之時。而商飈颯然。倏動。則炎歊如失矣。久服無敗胃之虞。

新定拯陽理癆湯 治勞傷氣耗。倦怠。懶言。動作喘乏。表熱自汗。心煩。偏身作痛。內經勞倦氣耗之方

黃耆 三錢 酒炒 人參 二錢 去蘆 肉桂 七分 去皮

當歸 一錢五分 酒炒 白朮 二錢 土炒 甘草 五分 酒炒

陳皮 一錢 去白 北五味 四分 打碎

水二鍾。薑三片。棗肉二枚。煎一鍾服。如煩熱口乾。加生地黃。氣浮心亂。加丹參。棗仁。咳嗽。加麥門冬。挾濕。加茯苓。蒼朮。脉沉遲。加熟附子。麻數實。去桂。加生地黃。胸悶。倍陳皮。加桔梗。痰多。半夏。茯苓。泄瀉。升麻。柴胡。口渴。加乾葛。夏月去肉桂。冬月加乾薑。

四物湯 理中湯 異功散 六君子湯 八

珍湯 五方並見 中風門 補中益氣湯 見類 中風

十全大補湯 治諸虛勞傷。飲食不進。久病

羸。潮熱背痛。夢遺脚軟。喘嗽煩悶。

肉桂 去皮 甘草 炙 芍藥 炒

黃耆 蜜水炒 當歸 酒洗 川芎

人參 去蘆 白朮 土炒 茯苓 去皮

熟地黄 各等分 每服六錢。水二鍾。薑三片。棗肉二枚。煎一鍾

服。

小建中湯

桂枝 去皮 甘草 炙 生薑 各一錢

芍藥 二錢 大棗 一枚 膠飴 一錢

水鍾半。煎一鍾。入飴。更上微火。鎔化。溫服。酒

家嘔家。俱禁此湯。以其甜也。加黃耆。名黃耆

建中湯。

八味地黃丸 治腎虛發熱。作渴淋閉。痰嗽頭

眩。眼花。耳鳴。咽燥。舌痛。牙疼。腰腿痿軟。自汗

盜汗。便血。吐血。衄血。發熱。失音。水泛為痰。

熟地黄 八兩 許膏 山茱萸肉 乾山藥 各四兩

牡丹皮 白茯苓 澤瀉 各三兩

熟附子 一兩 肉桂 去皮 一兩

右為末。和地黄膏。加煉蜜丸。桐子大。每服三

錢。空心食前。滾湯下。去附子。名七味丸。去桂附。名六味丸。

還少丹 大補心腎脾胃。一切虛損。

乾山藥 牛膝 酒浸 遠志 去心

山茱萸 去核 白茯苓 五味子 烘

巴戟 酒浸 去心 肉蓯蓉 酒浸 去甲 石菖蒲

楮實 杜仲 薑汁酒炒 斷絲 舶茴香 各一兩

枸杞子 烘 熟地黄 各貳兩

為末。煉蜜丸。如桐子大。每服三錢。溫酒或鹽

湯下。日三服。久服令人悅顏。輕健不老。

酸棗仁湯 治心腎不交。怔忡恍惚。夜臥不安。精血虛耗。脾胃泄瀉。

酸棗仁 一錢五分 遠志肉 黃耆 蜜水炒

蓮肉 去心 人參 當歸 酒炒

白茯苓 茯神 各一錢 陳皮

甘草 炙各五分

水二鍾。薑三片。棗一枚。煎一鍾。日三服。心熱者加

黃連 生地黃 麥門冬 木通

白朮散 治脾胃虛寒。嘔吐泄瀉。食少胸滿。

白朮 土炒 人參 草果

厚朴 酒浸 炒 肉果 麵果 煨透 陳皮

木香 麥蘖 炒各一錢 甘草 炙五分

水二鍾。薑五片。棗一枚。煎一鍾服。

小甘露飲 治脾勞實熱。身黃咽痛。

黃芩 一錢 升麻 五分 茵陳 一錢

山梔 八分 桔梗 炒六分 生地黃 十分五分

石斛 二錢 甘草 四分

水鍾半。薑五片。煎八分服。

溫肺湯 治肺勞虛寒。胸滿冷痛。

人參 一錢 甘草 四分 半夏 半夏

肉桂 橘紅 乾薑 炒各八分

木香 五分

水鍾半。煎八分服。



涼肺湯 治肺勞實熱。欬嗽喘急。

知母 炒去毛

貝母

天門冬 去心

麥門冬

各一錢半

黃芩

橘紅 各一錢

甘草 五分

棗皮 八分

水鍾半。煎八分服。

溫腎丸 治腎勞虛寒。腰痠足軟遺濁。

熟地黄

酒煮

杜仲 炒去絲

兔絲子

石斛 去根

黃耆

續斷

肉桂 去皮

磁石 煨醋

牛膝 去蘆

沉香 別研

五加皮

山藥 炒各一兩

右為末。用雄羊腎兩對。蔥椒酒煮爛。入酒及

地黃膏為丸。如梧子大。每服五錢。空心酒下。

涼腎湯 治腎勞實熱。腹脹耳聾。

生地黄 三錢

赤茯苓 一錢

玄參 一錢

遠志 一錢 去木

知母 八分 酒炒

黃柏 六分 酒炒

水鍾半。煎八分服。

人參養榮湯

治脾肺俱虛。發熱惡寒。倦怠泄瀉。種種虛證。勿論其脈。但用此湯。

白芍藥

一錢五分

人參

陳皮

黃耆 蜜炙

桂心

當歸

白朮 土炒

甘草 炙各一錢

熟地黄

五味子 炒拌

茯苓 各八分

遠志肉 五分

水二鍾。薑三片。棗二枚。煎服。

逍遙散

治血虛煩熱。肢體疼痛。口乾盜汗。嗜臥。月水不調。寒熱如瘧。癢。嗽。骨蒸。

白茯苓

白朮 土炒

當歸

白芍藥

酒炒

柴胡 各一錢

甘草 炙五分

水鍾半。薑三片。煎八分服。

加山梔牡丹皮。名加味逍遙散。

清骨散

治骨蒸熱

銀柴胡

一錢五分

胡黃連

秦艽

鼈甲

醋炙

地骨皮

青蒿

知母

各一錢

甘草 五分

水二鍾。煎一鍾。食遠服。

三才封髓丹 降心火。益腎水。

天門冬

去心

熟地黄

人參

黃檗

酒炒

砂仁 各三兩

甘草

一兩五錢

為末。麵糊丸。桐子大。每服五錢。肉蓯蓉五錢。

切片。酒一鍾。煎二三沸。去渣。空心送下。

生脉散 治火旺金虛。倦怠煩渴。

人參 二錢 去蘆 麥門冬 三錢 去心 五味子 三錢 杵

水一鍾。煎六分服。

猪脂丸 肌體羸瘦。服之即肥。其效如神。

牡蠣 煨 白朮 各四兩 苦參 三兩

為細末。以猪脂一具。煮極爛。研如膏。和丸如

桐子大。每服三錢。米飲送下。日三服。

調中益氣湯

黃耆 一錢 炙 人參 甘草 炙

當歸 白朮 各五錢 白芍藥 炒

柴胡 升麻 各三分 橘皮 二分

五味子 十五粒

水鍾半。煎八分。食前溫服。

蘇子降氣湯 治虛陽上攻。氣不升降。痰涎壅盛。

蘇子 炒 半夏 泡各二錢五分 前胡 去蘆

甘草 炙 厚朴 薑汁炒 橘紅 去白各一錢

當歸 去蘆一錢五分 沉香 七分

水三鍾。薑三片。煎一鍾服。虛人加黃耆一錢。肉桂五分。

人參飲子 脾胃虛弱。氣虛倦怠。衄血吐血。

人參 去蘆 二錢 五味子 二十粒 黃耆 去蘆 炙

麥門冬 去心 白芍藥 炒 當歸身 各一錢 五分

甘草 炙 一錢

水二鍾。煎一鍾。食遠服。

四生丸 治吐血衄血。

生荷葉 生艾葉 側柏葉

生地黄 各等分

搗爛丸如鷄子。每服一九。水煎去渣服。

大阿膠丸 治嗽血吐血。

阿膠 微炒 卷柏 生地黄

大薊 獨根 者佳 鷄蘇葉 五味子 各一兩

栝子仁 另研 茯苓 百部

遠志 去木 人參 麥門冬 去心

防風 各一兩 五錢 乾山藥 一兩 熟地黄 二兩

爲末。煉蜜丸如彈子大。煎麥門冬湯嚼一九。

犀角地黄湯 治大熱血積胸中。

犀角 六黃 各一錢 黃芩 三錢

黃連 二錢 生地黃 四錢

水一鍾煎一鍾食後服

茅花湯 治鼻衄不止

茅花 五錢

水一鍾煎六分服

百花膏 治勞嗽吐血

款冬花 百合 蒸焙等分

為末蜜丸龍眼大每服一丸臨臥薑湯嚙下

噲化丸 治勞嗽有效

玉露霜 柿霜 貝母

百合 各二兩 白茯苓 海石 各一兩

甘草 五錢 秋石 二錢

入薄荷葉細末白礬砂少許煉蜜丸如龍眼

大每噲化一丸

新定清寧膏 潤肺不傷脾補脾不礙肺余所

新定者也凡勞嗽吐血必不可缺極有效驗

麥門冬 去心十兩 生地黃 酒炒十兩 廣橘紅 三兩

桔梗 二兩 龍眼肉 八兩 甘草 二兩

煎成膏。加苡仁八兩。淘淨川貝母二兩。糯米炒

米熟去米真蘇州薄荷淨葉五錢。忌火。俱為極細

末。拌勻前膏。時時挑置口中噙化。

肺癰神湯 肺癰者。勞傷氣血。內有積熱。外受風寒。胸中滿急。隱隱痛。咽乾口燥。時出

濁唾腥臭。叶膿如米粥者。或實大凡患者。右脇按之必痛。但服此湯。未成即消。

已成即潰。已潰即愈。此余新定。屢用屢驗者也。

桔梗 一錢 金銀花 一錢 薏苡仁 五錢

甘草節 一錢 黃耆 一錢 貝母 一錢

陳皮 一錢 白芨 一錢 甜葶藶 八分

水二鍾。薑一錢。煎一鍾。食後徐徐服。新起加

防風一錢。去耆。潰後加人參一錢。久不斂加

合歡皮。一名夜合。即椴樹皮。一錢。

十灰散 一切血證。用此止之。

大薊 小薊 荷葉

側柏葉 茅根 茜根

山梔 大黃 牡丹皮

櫻櫚皮 各等分

各燒灰。存性研細。碗蓋于地一宿。藕汁調服。

白鳳膏 治久癆積虛咳嗽痰血蒸熱困倦

黑嘴白鴨 一隻 大京棗 二升

參苓平胃散 一升 陳煮酒 一甌

將鴨縛定量病人飲酒多少以酒盪盪割開鴨頂滴血入酒飲之直入肺經受補將鴨去毛於肺邊開一孔取去腸雜拭淨次將棗去核每箇中納參苓散填滿鴨腹中麻線紮定沙鍋內用火慢煨將酒三次添入以乾為度但食其棗參湯送之或同鴨肉搗丸服

芎歸血餘散 治傳屍癆瘵去鬼殺蟲

室女頂門生髮 一小團皂角湯洗淨醋浸宿晒乾紙燃火燒存性

川芎 五錢 當歸 三錢 木香

桃仁 各二錢去皮炒 安息香 雄黃 各一錢

全蝎 二枚 江上大鯉魚生取頭醋炙

右為末分四服每服井水一大碗淨室中煎七分入紅硬降真香末五分燒北斗符入藥月初五更空心向北仰天咒曰察神察神害我生人吾奉 帝勅服藥保身急急如律令

咒五遍。面北服藥畢。南面吸生氣入口腹中。燒降香置床下。午時又如前服藥。

北斗

符式

勅 卍

用黃紙一方。新筆淨水。研透明硃砂書此符。書時念前北斗咒。

鼈甲生犀散

殺癆蟲。取下惡物。

天靈蓋

一具。男者色不赤。可用。女者色赤。勿用。檀香煎湯。洗。咒曰。雷公

靈。雷公聖。逢傳屍。即須應。急急。如律令。咒七遍訖。次用懸灸黃。

生鼈甲

一枚

虎長牙

二枚

安息香

桃仁

去皮

檳榔

各五錢

生犀角

木香

甘遂

降真香

乾漆

炒存性

阿魏

酒浸研。各三錢

雷公

二錢

穿山甲

取趾。醋炙

全蝎

三箇

蚯蚓

十條。生研和藥

右為末。每服五錢。先用豉心四十九粒。東向

桃李桑梅。小稍各二莖。長七寸。生藍青七葉。

青蒿。小握。蔥白連根洗。五莖。石柏內同杵。

用葶水。一碗半。煎取一盞。入童便一盞。內藥

末。煎取七分。入麝一字。月初旬五更。空心溫

服。即以被覆。取汗。恐汗中有細蟲。軟帛拭之。



即焚其帛。少時必瀉。以淨桶盛。急鉗取蟲。烈火焚之。而收入磁甌中。雄黃蓋之。以瓦油蓋。

鐵線紮定。泥固。埋深山中。絕人行處。

道藏經曰。每值庚申日。其夜不睡。守之至曉。屍蟲不能為害。三守庚申。三屍長絕。每夜叩齒三

十六通。左手捧心。呼三屍之名。上屍彭琚出。中屍彭瓊出。下屍彭璠出。令不得為害。常以庚申去手甲。丑日去足甲。每年七月十六日。將所去手足甲。燒灰和水服之。三屍九蟲

